



14040

kat.komp

III

Mag. St. Dr.

P

Matthaei Triumphus virtutis
Johannis Brancchi.

PANEG. et VITAE
Polon. Fol.
№ 84.

Biblioteka Jagiellońska



stdr0003030

TRIVMPHVS
VIRTVTIS

ILLVSTRIS & REVERENDISSIMI DOMINI

D. IOANNIS
BRANECKI

J. V. Doctoris

Archidiaconi Pſzeu: Scholastici Varſau:

Gneſnensis, &c. &c. CANONICI,

S. R. M. Secretarij.

Ipsâ per quam auspicaâ die

DVM

REVERENDISSIMVS DOMINVS

Dei & Apostolicæ Sedis Gratiâ

3^a

EPISCOPVM ENNENSEM,

ET

SVFFRAGANEVM POSNANIENSEM

Consecraretur.

14040 III

A

M. MATTHÆO ORLINSKI Phil. Doctore,

Collegij Acad. Posnaniæ Matheseos Professore

In debita, obseruantia & Cultus reſſeram

Publicæ luci ad spectandum

Epocha CHRISTI 1652. Calendis Ianuar.

EXPOSITVS.

16.

POSNANIÆ.

O.

In Officina Thypographica ALBERTI REGVLII.

Unusquisque Patris Domini Branecki Melchioris Pater Reuerentissimus

IN STEMMA AVGVSTÆ
DOMVS
BRANECIORVM



Romulidum multis Aquila viguere triumphis,
Augustum vigit, pluribus hoc labarum,
Inter Sauromatas; quo haud est augustius ullum.
Nam ducit Summos, Marte Togaq; Viros.
Religio, pietas, candor, sapientia, virtus.
Circæ illud turmas, explicat innumeras.
His igitur merito Tua nunc dignissime Prasul
Virtus percelebris; lata triumphat ouans.
Ergo Sponsa Dei, gaude iam Prasule tanto,
Qui hoc signo vincet, castra inimica tibi.

Iacobus Watzen
Stud. Grammat.

ORATIO

NE mirere (quæso) Reuerendissime
Antistes, quod ego in Palæstra Ora-
toria minimè exercitatus, hac cele-
bri Cōsecrationis festiuitate, Virtutum
Tuarum amplissimarum Triumphum,
publicæ luci, ausim præsentare. Prodeo
in hanc arenam obsequij, non ex Olym-
picorum ludorum Cyrco athleta robore
fortissimus, ad ostentationem; sed ex Or-
chestra Virorum Academicorum officio
Professor, ad Tui nominis debitam vene-
rationem. Scilicèt, cum Te Patronum
veneramur, qui Herculeo animo debac-
chantes Æolorum impetus, nostris à Pe-
natibus retundere consueuisti. Eum Fau-
torem ubiq; & palam profitemur, è cu-
ius candido pectore, dulcissimam omnis
propensionis & beneuolentiæ, in nos di-
manantem ambrosiam delibamus. Eum
ad extremum recognoscimus Curatorē,
eius curâ, sollicitudine, industriâ, & af-
fatu, Illustrissima illa NAVIS SORDRSCIA-
NA, onusta ad cultus Diuini & literarum
propagationem gazophylacijs; vt in Epi-
scopali Basilica, ita & in Lyceo Lubran-
sciano, stetit æternum spectanda. Absit
quin aliquis nostrum adeò immemor

Phraates reperiatur, qui tanta Tua, & tam
amplissima in Academiam Posnaniensem
effusa beneficia, gratâ recolens memoriâ,
hâc temporis intercapedine, ingrato An-
genoræ auderet litare silentio. Nimiùm
quàm angusto esset animo, ne dicam im-
pio, qui istâ ipsâ felici & per quam auspi-
cata Consecrationis Tuæ luce, si non lo-
qui ut Orator, saltim graculo inter Mu-
sas similis, non contenderet obstrepere.
Memini annalibus Historicorum prodi-
tum esse, vetustam illam antiquitatem,
honores Diuinos, non solum mortalibus
præstantissimâ (quâ Æterno vniuersi Mo-
deratori assimilantur) præditis mente;
sed brutis etiam ipsis, tum Soli, Lunæ,
Stellis, Cælo, Elementis, exhibuisse: in-
mentem agminatim influit, Ludos Ago-
nales, Cereales, Quirinales, instituisse: re-
centi complector memoriâ Festa Nycti-
leia, Herea, Floralia, Nemea, Panathe-
nea, Mitriaca, in vim grati animi pro
beneficiolis sibi præstitis celebrasse. Quo
me quæso genio & ingenio, præditum ex-
pediet, quidue in præsentiarum, & qui-
dem eo officiosius, quo luculentiora Tua
in nos extant beneficentiæ argumenta,
facere oportebit? Extruerem institutis
Ferijs Statuas, Lauro vel Myrto redimi-
tas, ut olim suo vel Mantuani Vati, vel
Ptolomæus Homero, vel Demostheni A-
thenienses, vel Platoni Mirridates, addi-

to Lemmate *Ita virtus*; sed quis ego sum
Polyclætus, quis Lysippus, aut Phidias, qui
tantum possim valere celo. Ponerem O-
beliscos, erigerem Colossos, statuerem
Pyramides cum Epigraphe *Te stante Vir-*
bo, nisi mihi aliud modestia Academica
persuaderet. Tabulas, auro, vnioni-
bus, viuis coloribus affabrè depingerem;
sed peritissimis ista Aristidibus, Apelli-
bus, Zeuxibus, vel Metrodoris relinquo;
qui subtilioribus lineamentis adhibitis,
illustria Tua facta, seræ transmittent non
minus ad admirandum, quàm ad imitan-
dum posteritati. Quid igitur dum Virtutis
Tuæ celebritas, & honoris splendor no-
stram priuato contentam lare Academi-
am, perstringit faciam? alto forsitan rei ma-
gnitudine deterritus solennitatem istam
venerabor silentio? minimè verò. Suc-
cumbere potius impari viribus oneri,
quàm ingratus videri malo. Malo in me
aliquis desideret dicendi maiestatem, quàm
Cultus Tui in hoc publico applausu de-
bitam venerationem. Liceat ideò, tanto
libentius Virtutis Tuæ Triumphantis
materiem inquirere; quanto eam non so-
lio deaurato Commodij, non quadragin-
ta elephantis dextrâ leuâq; lychnos ge-
stantibus Cæsaris, non Ceruorum quadri-
gis Aureliani: sed Auito Vexilli Tuo, sed
Sancta geminatâ Cruce, sed Tiarâ hâc
(quam vtinam felix & beatus prenses)
intueor triūphantē.

B

Vir

Virtuti supremâ dignitatum ac honorum capeſſenti faſtigia, triumphos deferri oportere, vt recentioris æui mortales, ita ſuperſtitioſa illa credidit antiquitas. In eam aliquis abiret ſententiam, quòd Virtus, inuentu quò difficilior ſit, cò ſi in throno maiestatis ſibi collocata conſpiciatur debito, ampliſſimo terrarum Orbi, Vberiores longè proferat fructus. Vel certè, Virtuti omnè competere crederet pompam, quod ſola immortalis contingat mortalibus; quâue nulla poſſeſſio honeſtior, & honorabilior credatur eſſe. Aut deniq; cum magnificum, excelſum, atq; expetibile bonum ſit, omnia ſibi deberi citra vllam dubitationis aleam, autumaret. Neque ego inficias eo, quin imò vota accumulans votis, liberè ſuperaddo; Virtutem eſſe arcem inaceſſam, munimentum inexpugnabile, ſalutem Ciuũ, integritatem Rêgnorum, antemurale Rerum publicarum: Vel vt loquar cum Romano Sapiente, Virtus eſt, quæ Regna, Vrbes, Prouincias temperat, fert leges, colit amicitias, inter propinquos, liberosq; diſpenſat officia. Nihilo ſeciùs, ſi paulò diligentiori trutina mentis, latentem in profundo veritatem indagare vo-
luerimus; concordibus profirebimur votis, Virtutem, tantò ardentius amplecti triumphantem; quantò eam rariora, & oculis cariora noſtris præmia comitatũr.

Equi-

Equidem, in ea infelicissima, tam retroa-
cta, quam præsentia incidimus secula, qui-
bus virtus susq; deq; habetur, spernitur,
contemnitur. Priuatum personarum stu-
dium, fauores, detestandis, & vltra Gara-
mantas vel Indos relegandis innixi facti-
onibus, in celsissima exhedra locantur di-
gnitatum: Virtus sola sibi pulcherrima
merces, exulare solet. Illæ, sub Conca-
uum vsq; Lunæ purpura nitentes euehū-
tur, hæc, licet depressavt palma toties in
ardua tēdēs erigatur, opprimitur; si tamē
opprimi potest, inuincibilis. Pridē hanc tē-
porum vicissitudinē, Maiores nostri que-
sti sunt, multò ante illam, fortissimus Græ-
corum Heros apud Homerum inculcavit;
cum videret benē meritis de Republica
Ciuiibus, æquales, atq; ignavis deferri ho-
norum fasces. Quid, si præsentem virtutis
statū pensitaret, quomodo non indigna-
retur, quomodo grauis illius animum non
arietaret tempestas? Præsertim si Solonis
apud Athenienses, Lycurgi apud Lace-
dæmonios, Numæ Pompilij apud Roma-
nos, (vt interim alijs parcam) leges, sta-
tura, quibus voce Prætoriâ interdicebant,
ad conseruandam Regnorum, Imperiorū,
Rerum publicarum, Urbiumq; integrita-
tē, vt benē meriti præmijs; ignaui & fru-
ges tantum consumere nati Ciues, pænis
afficerentur: elusa, euersa & obliterata
cerneret Enimuerò, sit alter iustus vt A-

ristides, constans vt Anaxagoras, modestus vt Agathocles, verecundus vt Cimon, eloquens vt Arpinas, sapiens vt Seneca, clarus victorijs vt Alexander: imitetur sobrietatem Iulij Cæsaris, taciturnitatem Pythagoræ, castitatem Xenocratis; Traiani humanitatem, Socratis temperantiã amplectatur: profectò nisi simul Patroclides, vel Apolophanes sit, facile suã virtus eludetur, facilius elidetur. Cur ita? sola interim audacia cum ambitione, mens subdola cum temeritate, elatio animi cū ostentatione, solus inquam fauor cum maiestate ad æthera prouehitur. Quidni Thucidides, Camillus, Metellus ille Numidicus, qui de Iugurtha triumphauit, Viri de Republica meritissimi exitere? attamen, turpissimè in exilium, in vim gratitudinis, ab ijs ipsis, pro quorum integritate tanquã pro aris decertarunt, pulsi. Pudet dicere (dicendum tamen) Telemachum, Aristidem, Menenium Agrippã, Ciues Patriæ amantissimos, eo excellentiæ & fortunarum virtute deuenisse, vt ille sæpius fabis ipsis contētus victitaret; horum autem, ad Iusta Feralia persolueda, accisæ nimis non sufficerent facultates. Age verò Timagoræ Artabani Heroum nobilissimorum, Arbacis, Darij Persarum Regis, Ducis exercituum gloriosissimi, & ipsi Alexandro Magno formidabilis virtus, quæ & qualia meruit præ-

præmia? Capite plexi, egregiâ sanè laudem, & spolia ampla retulêre. Nolo hic commemorare Italianum Foroliuiensem Ducem Mediolanensem, in præmium virtutis, securi percussum. Nullam mentionem facio, Lycurgi Thracû Regis potētissimi, quem dignè, cum præmiari communis omnium mater pro laboribus circa habenas Regni moderandas non poterat; alteri sibi vicino elemento, in mari præcipitatum hoc munus reliquit. Atq; vt alios ex industria, quorum mihi cateruatim, occurrunt phalanges præteream, illum sanè Belisariû Iustiniani Imperatoris Ducem Marte & arte insuperabilem, qui Persas in Oriente ad interneccionem gloriôsè debellauit; illum triumphatorem, qui Vandalos in Africa, igni, ferro, in Vrbes & Prouincias grassâtes magnificè superauit; illum inquam Belisarium, qui Gothos toti Europæ formidabiles, hebetantes in iugulis Ciuium acinaces strenuè vicit ac superauit, præterire non possum? Cuius Virtus, quæ trophæa, quas Coronas, quæ præmia promeruerit, si fauore Charonis, per stygias aquas ab Elisijs campis, vultu venerandus, ætate grauis, galeâ, & bractealibus nitens, luminibus cæcutiens, dextrâ pilum, leuâ gestans scipionem, reuocaretur: profectò pallidus, liuidus, gemebundus non aliter nos alloqueretur. Ego Belisarius post tot discrimina, sedē-

C

te pro

te pro tribunali Marte, pro imperatoria,
pro Patriæ, proq; Ciuium integritate sus-
cepta, ad eam honoris prouectus sum.
sublimitatem, vt ex oculatus in vili tuguri-
olo, publicæ viæ proximo, stipem à præte-
reuntibus coactus fuerim emendicare,
Da obulum Belisario Viator, quem Virtus extulit, inuidia
excæcauit. Pro DEVM hominūq; fidem? Itanē
præclarè gesta contemptus? Virtus crude-
litate remuneratur? Ita sanè: Sic viuitur
hoc corruptissimo seculo, vt egregios co-
natus, rarâ gratia consequatur. Hæc est
deploranda magis quàm ferenda tempo-
rum facies, quòd Virtus aut nulla, aut cor-
uo albo rariora.

Pro meritis dignis præmia digna ferat.

Quid igitur mirum, si virtuti præmiatæ
concedantur trophæa? Eccur non gesti-
endum lætitiâ, cum illa pro iure sibi debi-
to triumphat: cur magnæ virtutis magnus
splendor non suspiciendus, cum aliqua
lætitix publicæ testificatione? Triūphat
hâc ipsâ die Consecrationis. Tuæ in E-
PISCOPVM, PERILLVSTRIS & REVERENDIS-
SIME VIRTVS TVA, nouis ad initium
noui anni, ex debito refulgens honori-
bus. Triumphat inquam, dum post tot
exâtlatos grauissimos labores, pro Religi-
one, pro Ecclesia, pro DEO, in luce publica
susceptos, omnes Scyllas & Acroceraunia,
omnes Scopulos & Charybdes præter-
uecta, ea locatur in arce dignitatis; in qua
lon-

longè illustrius, acsi in specula celsissima
luceat Orbi. Et quanquam illa hæredita-
ria semper habuerit magnarum in Repu-
blica, & Ecclesia magna sua promerita di-
gnitatum insignia, eoq; iam progressa fu-
erit amplitudinis, quòd ubiq; lucidissi-
mā diffundat claritatem: tamen, ita hodie ex-
tra inuidiam, quæ virtutis æmula est attol-
litur Tiarâ Episcopali illustris, vt auspi-
catissimum ad Solem in Ortubreui imi-
tandum, accipiat omen. Meruit, meruit
Pastorale hoc Pedum pridem, Illustris
BRANECIORVM Domus, quæ Sellas Cur-
rules; Coronas Ciuicas, Obsidionales, Mu-
rales, & quidquid ad Rempublicam, inge-
nio, armis, robore, consilio, gazis, tuendū
videtur pertinere, habuit semper. Quip-
pe, ita in Orbe Polono instar Cynthij in-
tonsi, incorruptâ fide, nudâ veritate, in-
vincibili in omnibus expeditionibus re-
splēduit animo; vt radiorum suorum splē-
dore, aliena merita non aliter, quàm Solis
radij putredinis nitorem obfuscaret. Hæc
illa peraugusta Domus est, quæ sicut Sol
inter Planetas, claritate, magnitudine, &
influxu; ita illa generis splendore, Maio-
rum claritate, Familiæ venustâ eminet ve-
tustate. Illa est, quæ

*repulsa nescia sordida,
Intaminatis fulget honoribus,
Nec sumit, aut ponit secures
Arbitrio popularis aura.*

C2 Illa

Illa (vt multa paucis cōplectar) est, ex qua,
quot Ciues, tot Curtij, Horatij, Lycurgi;
quot Senatores, tot Catones, Fabij, Sulpi-
tij: quot Ecclesiastæ, tot Chrysostomi, Ber-
nardi, Augustini: cōsilio, authoritate, pru-
dentiâ, pietate, fide, probitate, fortitudi-
ne, prodiere. Quis ita infans est, & pere-
grinus, cui si primis (vt aiunt) labris, an-
nales retroactorum seculorum delibauit;
non extemplò luculentissima Domus an-
tiquæ BRANECIORVM virtutis omnis, nō in-
fluant in mentem & oculos documenta?
Quid ego hic è fastis antiquitatum eruam,
illa primæua fulmina belli Radwanæ gē-
tis? quid Labarum hoc Sacrum Tuæ no-
bilissimæ Prosapix perenne Virtutis A-
uitæ, & Sanguinis monumentum â longè
demirer? Quid omnibus Ordinibus, imò
toti Regno Virtutes Tuorum Auorum,
Atauorum, Proauorum, clarissimas rudi-
penicillo Orationis efformem? quorum
res præclaræ, & pulcherrimæ gestæ Togâ
& Sago, domi & foris, ita Poloniam illu-
strârunt: vt difficile sit, Poloniane BRANE-
CIOS, an BRANEII Poloniam cōdecorârūt,
iudicare. Viget, & viuit in recenti memo-
ria omnium, tam Magnis Præsulibus, quam
Serenissimis Principibus propter singula-
res dotes, ac diuinas Virtutes gratissimus
Patruus Tuus, Perill. & Admod. R. D. IO.
ANNES BRANECKI; Præpositus
Præmisliensis, cuius prudentiam in agen-
do,

do, grauitatem in sententia dicenda, integritatem in amicitia colenda, iustitiam in Tribunali Regni; in Cultu Diuino zelantissimū pectus, in egenos munificentiam sera narrare nō cessabit posteritas. Magnū illum Heroem & vix alicui comparādum Virū, Magnificum & Illustrem D. FRANCISCVM BRANECKI, Cancellarium Serenissimæ Reginae Constantiæ Austriacæ cōmemorare nolo, in cuius laudibus celebrandis, Demosthenis nō sufficeret suada. Taceo Illustris. & Reueren. D. PAVLVM WOŁVCKI, Virum quā doctrina, quā prudentia, quā authoritate, quā pietate clarissimū, Præsulē Cui aui ēsem; taceo Magnificos DD Philippum Palatinū Rauensem & Sebastianum Wołucki Castellanum Malogosensem (quibus de Tu maternam Prosapiam ducis) Viros de Ecclesia & Patria, optimē meritos: quorum Virtutes, iisdem, quibus & ipse Orbis clauduntur terminis. Taceo alios. Neq; enim vacāt Stemmata amplissimæ Familæ Tux in quatruidui spatio recensere; neq; Tuum nomen illustre eorum colorib⁹ illustrare: præsertim cum sciam, Te Reuerendis: Antistes, nunquam sub aliena arbore fructus Virtutis legerē solēre; imò tantū fastidire alienas colorum imagines, quantum eas permulti appetere habent vsitatum. Non ignarus, illa esse non propria sed externa; hinc ita totius vitæ pro Tuo,

D

ocu-

oculeato animo dirigebas rationes, vt vndiq; gloriā immortalē Tuis ex illustrib⁹ (sic enim itur ad astra) factis cōquirerēs. Ille ipse adolescētīæ Tuæ flos, quid aliud fuit, quam cursus ad virtutem & gloriā continuus; in tantū quod assurgēte ad maturitatē ætate, Te eo iam deuenisse, quo veneranda canicies permultos laborum anfractus, rarī⁹ peruenire solet, dicceris. Familiare est herbescentibus in annis Proteum pæpē agere, ni graues Aristarchi facem seuerioris disciplinæ præferant, Tu ardore Virtutis & amore honestatis semel inflāmus; ita inuincibili animo persistebas, quod Te à proposito nullæ illecebræ, nullus æstus, nulla molestia vel labor; nō otium, non somnus, non commodum aliquod abstrahere, aut retardare valuerunt. Ita omne tempus, omnes horas & momenta, in Diuinarū humanarūq; rerum peritia collocabas conquirenda, vt non discere sed reminisci videreris. Ita non fucatam aut apparentem (quā sæpius multorum animi quorum vis omnis & virtus in lingua sita est, qui uē loquentiæ multū sapientiæ parum habent, occupantur) sed solidam, veram, & omnibus numeris absolutam comparasti Tibi Sapientiam. Inde ortum, quod in publicis actib⁹, cum Theologis de DEO disputare, cum Iureperitis legum amplitudinem inuestigare, cum Philosophis iam subtiliter argumē-
tari,

tari, iam sublimiter naturæ arcana scrutari,
iam prudenter de administratione Rerū
publicarum disceptare; cum alijs, quic.
quid obuium fuerat, grauitè, acutè, clarè,
distinctè, solebas explanare. Occupantē
publica subsellia, & disceptatē Mater
mea Alma Academia Cracouiensis de
rebus sapientissimè cum miraretur, non
modò per Oracula illa Sapientiæ Vadui-
os, Naimanouios, Opatouios, Suinarscios,
Vitellios, aliosq; summos & excellētes
Viros approbavit: sed Mitræ etiam Docto-
rali Iuris Vtriusq; tantam virtutem orna-
uit & coronauit. Neq; solū Heliconis
Sarmatici Musæ, vberem hanc eruditio-
nis & doctrinæ venerabatur sublimitatē,
sed eā præ alijs Illustr. & Reuer. D. ADAMVS
NOWODWORSKI Episcopus Posnan. Vir
authoritate grauis, Consilio prudens, cu-
ius Cancellarius dignissimus extitisti plu-
rimi semper fecit. Quin suspexit & vnice
dilexit, ille Senator insignis, ille Reipu-
blicæ Ciuis optimus, ille Cato Sarmatic⁹
Illustris. & Reuer. D. ANDREAS SZOLDR-
SKI Episcopus Posnan. cui immortalis de-
bebatur vita; hinc Te ob summas ingenij
dotes, ob vitæ integritatem, ob pruden-
tiam in rebus peragendis raram, omnium
suorum consiliorum participem, omnium
facultatum & ditionum, omniumq; rerum
arbitrum constituit. Nec vanā spe quam
de Te præconceperat elusus. Tantā enim

& tam incredibilē in agendis rebus dexteritatem deprehendit, quod eam sæpius æstimare, æstimatam ornare, ornatam de-
prædicare ubiq; cogeretur. Rarum & magnæ virtutis argumentum est, a summis viris amari, rarius venerari, quid dicam eos laudum suarum præcones habere? Porro de Administratione Tua, Episcopatus Posnaniensis quid, & quomodo dicam? Hæreo hic in salebra, namq; magnitudo rei obruit mentem; obruit calamum. Et quidni obruat? dum Te Administratorem eum, cuius, in Politicis prudentiam, in Criticis iudicium, in iudicijs iustitiam, in cōstantia sapientiam, in omnibus BRANECIVM; id est omnis perfectionis apicem, hominis Phænicem, aram consilij, æquitatis prototypum, iustitiæ antesignanum, Virtutis Dictatorem, non sine magna sui perturbatione contemplatur. Eā clementia in Te, quæ olim in Augusto verè augusto resplenduit Cæsare. Non abutebaris potentiā, non subditos durius (quod non novum sub Sole) patiebare tractari. Non ambitio Tuum unquam animum, non graue alijs imperiū, non lior occupavit; in quo humanæ felicitatis terminum, consequi mihi videris. Magnæ profectò prudentiæ est, cum felicitate luctari; magnæ felicitatis est à felicitate non vinci. Verum enim vero quo magis Virtutes Tuas amplissimas mente
con-

consector interiori, eo maiora laudum
Tuarum occurrunt mihi agmina. Occur-
rit pietas; occurrit zelus in Diuino cultu
promouendo; occurrit liberalis in Eccle-
sias munificentia, quæ, quibus verbis,
quâuè dicendi maiestate explicem, igno-
ro. At taceam ego licet, loquêtur illæ du-
bio procul Ecclesiæ, quas potentiâ Hære-
ricorum occupatas plurimas vindicasti.
Loquetur Ecclesiæ Cathedralis Posnani-
ensis Basilica, igne vastata; quam Tua in-
dustria, & pristino splendori restitui, & è
Nobiliissima PP. Prædicatorum Familia
Pænitentiarium ei perpetuum fundari, &
varijs ornamentis, sumptui non parcens
proprio ornari, procurasti. Loquêtur alia-
rû Ecclesiarû cû suis Parochis immunitates
quarû integritatē in Iudicijs Tribunalitijs,
ardēter & animosē, quoties res poposce-
promouisti, conseruasti. Loqui videtur &
ipse (quòd primò dicendum erat) Aca-
demiæ nostræ Tutanus, Sol Musarum,
Flos æui, Amor omnium, cui sine termino
apprecor vitam, **ILLVSTRISSIMVS**
& **REVERENDISSIMVS PRIN-**
CEPS D. CASIMIRVS FLORIA-
NVS DVX in KLEVAN CZAR-
TOR YSKI EPISCOPVS modernus
Posnaniensis, qui hoc vnicū semper ani-
mo voluebat, vt Tuas tam excellentes co-
ronaret virtutes. Illuxit tandem non mi-
nus grata quàm iucunda omnibus dies,
quâ Tibi iterum atq; iterum renuenti Ti-
aram Episcopalem, Pedum Pastorale, su-

blimē in Ecclesia Dei (vt sublimis subli-
mes honores capefferet virt^o) honorē of-
ferret. Obtulit & tergiuersantē incessāter
sollicitauit, quo citius virtutē satis meritā,
insigniis Pontificalibus cumulatam, cerne-
ret triumphantem. Quæ, dum die hodie-
na, potiori longē iure, quā olim Romæ
M. Marcellus, Scipio Africanus, Paulus
Æmilius, aut C. Marius apparat trium-
phum, publica in hāc lætitia; videre mihi
videor, illi, ab ea parte, vbi aurora fugatis
fulget tenebris, Illust & Reueren. Præsulē
Peraugustū Capitulū, numerosū Mystrarū
numerū, ipsam etiā Cathedrā Posnan. cū
Academia obuiā venire, & præcedere: vi-
deo, cum Metropoli urbem magnā stipatā Ci-
uiū cateruā, amicos, cōfratres, propinquos,
clientes, subditos, eam cōcomitari, & vt
illos, ita hos geminatas fundere cōgratula-
tiones, Tibiq; Reueren. Præsul Ennensis
fausta quæq; & felicia comprecari. Quo
Tuo tā felici atq; præstati bono gaude, &
exulta, triūpha cū virtute Tua luce præfeti
præmiata, dico iterū triūpha: & iter hoc
honorū quod ingress^o es feliciter, cōtinua
felicius, felicissime ad metā Virtuti Tuæ
præfixā perface. Hoc Vestræ Illust & Reu.
Cel. Ecclesiæ Cler^o, hoc omnes omniū Or-
dinū Patriæ Ciues, hoc Academia nostra,
hoc ego Cliens Tui obseruatissimus, hoc
deniq; Cælū præsagū, cuius Calculatū pro
Tua Nominatione præsentō Thema, vo-
uimus, cupimus exoptamus.

D I X I

Thema Cæleste
Omnia fausta & feli-
cia præfagiens.
Aera Domini
1650. D. 10. Decem.
H. A. 2: 30 P.

Iuppiter auspiciu f
uar Insulâ tequ ecula
pcibradutlovulmen c
prse sua oie Ht u Mh on r
i i Danunr stait rori i
t setcpraqfna me f Vt f
e i f Nognruo conf sed i
rgieos teerpicie as f
angqica sniteccs ol n
uanus fseue Tuai o a
staet it d pnm Indfaut
porth Ast eoadebm ftruo
ir f o Tor As f Tiufut r
chece iutsemonna fth
iolimul l i r ftrrraPo
unina tdameansuolon
moxgiecnundiuthnro
Sacrif signatorooi f

Thomas C. Castle
 Omnia fuit & est
 et praelegat
 Acta Domini
 1670 D. 10 Decem
 H. A. 230 B.

Iuppiter et Saturnus
 uariis in locis
 p. d. b. d. u. l. o. v. i. m. e. n. t.
 p. l. e. i. n. s. o. l. e. m. u. n. d. a.
 i. d. d. a. n. n. u. a. l. i. t. e. r. o. r. i.
 i. l. l. e. c. p. r. a. p. t. i. o. n. e. m. e. l. y. r. e.
 e. i. l. l. M. o. g. u. n. d. o. n. i. l. l. e. d. i.
 a. g. i. s. o. r. i. e. r. e. l. i. c. i. o. a. l. i. g.
 a. n. s. p. e. c. t. a. t. e. s. o. l. a.
 u. n. u. m. i. l. l. e. c. t. o. r. i. o. s.
 i. t. a. c. i. t. a. b. p. m. i. n. d. a. n. t.
 p. o. t. h. a. l. e. c. o. d. e. b. m. i. n. u. o.
 i. l. l. o. t. o. r. A. s. t. i. n. u. a. t.
 c. h. e. c. i. n. e. l. e. m. o. n. n. a. l. i. p.
 i. o. l. i. m. o. l. i. t. i. t. e. r. r. e. p. o.
 u. n. i. t. a. t. a. m. a. n. n. o. t. o. n.
 m. o. x. i. t. a. n. n. u. m. i. n. c. h. u. r. o.
 a. t. t. r. i. b. u. t. i. o. n. e. m. i. l.

17. 11. 11. 11.



